



PRIPADNICI **SIPA** UHAPSILI MIRZETA OMEROVICA

Odao identitet svjedoka u procesu protiv Orića

SARAJEVO - Mirzet Omerović (42) uhapšen je po nalogu Tužilaštva BiH na području Sarajeva zbog sumnje da je otkrio identitet zaštićenog svjedoka u procesu koji se pred Sudom BiH vodi protiv Nasera Orića, bivšeg ratnog komandanta Armije RBiH, i drugih.

Uhapšen je po nalogu tužioca Posebnog odjeljenja za organizovani kriminal, privredni kriminal i korupciju, a hapšenje su izveli pripadnici Državne agencije za istrage i zaštitu (**SIPA**).

"Osumnjičeni će u zakonskom roku biti predat Tužilaštvu BiH, gdje će ga postupajući tužilac ispitati u svojstvu osumnjičenog,



ORIĆ OPTUŽEN ZA RATNI ZLOČIN PROTIV RATNIH ZAROBLJENIKA

nakon čega će odlučiti o pokretanju prijedloga za određivanje mjere pritvora ili mjere zabrane u skladu sa zakonom", saopšteno je juče iz Tužilaštva BiH.

Sud BiH podigao je u avgustu prošle godine optužnicu protiv Nasera Orića i Sabahudina Muhića zbog ratnog zločina, a obojica su u procesu koji se vodi protiv njih negirali krivicu.

Optužnica ih tereti da su počinili krivično djelo ratni zločin protiv ratnih zarobljenika, odnosno za ubistvo tri zarobljenika srpske nacionalnosti tokom 1992. godine u mjestima Zalazje, Lolići i Kunjerac.

D.T.